

39138 **I**

Mag. St. Dr



Q V Æ S T I O

D E *Febr. 2867*

VLTIMA FELICITATE C R E A T V R Æ

RATIONALIS.

Permissu Admⁿ Reueren^t Patris,
D. M. ALBERTI BOROVII, S. Th. Doct. &
Profess. S. Floriani Cust. S. Theologicae Facultatis
D E C A N I.

Præsidente Admⁿ Reueren^t Patre,
D. M. MARTINO CAMPIO VADOVIO,
S. Th. Doct. & Profess. Eccl. Colleg. S. FLORIANI
Præposito, &c. Præceptore Colendissimo.

A

GASPARO FIOŁKOWICZ, S. Th. Bacca-
laureo, Pro Licentia ad S. Th. Doctoratum obtinenda,
in Alma Acad. Crac. publice ad disputandum
Proposita.

In Lectorio DD. Theologorum, Anno Salutis Humanæ
M. DC. XXXII. Mensis Ianuarij Die Hora

C R A C O V I Æ, In Officina Francisci Casarij.

I N A R M A
Generosi Domini,
D. IOANNIS THOMÆ
K R Z Y W C Z Y C K I.



*Fascibus orbatam miraris stare Bipennem :
Cui decori semper sella curulis erat.
Hoc decus est Iuuenis Gradiui sanguine nati :
Non potis est sella ferre curulis onus.
At postquam vite teneros excefferit annos :
Splendebit Patrie fascibus illa suis.*

391387



Q V Æ S T I O
D E
VLTIMA FELICITATE
CREATVRÆ RATIONALIS.

Ex Prima Parte Doct. Ang. Q. 12.

V. Intellectus Beatorum eleuatus
Lumine Gloriæ; videns Deum
intuitiuè; videat omnia in eo
quæ sunt formaliter, & eminen-
ter, inæqualiter: propter Lumen
Gloriæ: ita vt perfectio natura-
lis intellectus nihil ad inæquali-
tatem Visionis Beatæ conferat:
nec ne?

CONCLUSIO I.

Intellectus Beatorum ad videndam intuitiue Essentiam Dei, supernaturali habitu Luminis Gloriæ eleuari debet.

COROLLARIA.

1. Solius natura donis ornatus intellectus creatus seu humanus, seu Angelicus, intuitiue & quidditatiue Deum attingere non potest. Hinc superuacaneus labor Philosophi naturalis: si Visionem Dei intuitiuam possibilem connexus fuerit demonstrare.

2. Visio Beata ita est supernaturalis omni intellectui creato: ut nulla creabilis sit creatura, cui connaturalis esse possit.

3. Nullum de facto lumen naturale, aut auxilium Dei actuale extrinsecum; ad eliciendam Visionem Beatificam cum intellectu creato concurrit: sed supernaturale, habituale, Lumen scilicet Gloriæ.

4. Non implicat per absolutam Dei potentiam, posse fieri Visionem Beatam, absq. habitu Luminis Gloriæ: si Deus auxilio tantummodo speciali actuali defectum Luminis Gloriæ supplere voluerit.

5. Lumen Gloriæ non est lux increata: nec ipsa Visio Beata: nec supernaturalis animæ potentia: nec species im-

cies impressa Diuinæ naturæ manifestatiua : nec qualitas aliqua habitualis nimirum Charitas aut Gratiæ : sed habitus creatus supernaturalis intellectui infusus , eumq̃ perficiens ad eliciendam Visionem Beatam.

CONCLUSIO II.

Potest ab Intellectu creato seu Humano , seu Angelico , Lumine Gloriæ eleuato , Essentia Diuina intuitiue videri ; & de facto à Beatis clarè & intuitiue videtur.

COROLLARIA.

1. Nulla potentia etiam infinita absoluta in eo statu oculum corporeum reponet, ut Deum intuitiue attingat : habebunt tamen oculi corporei gloriosi corporis dotem beatitudinis ; cum Christi D. Corpus gloriosum sole lucidius & Sanctorum intuebuntur.

2. Lex Dei ordinaria reclamatur, à purâ creatura, in hac vita posse Deum intuitiue videri, quod absoluta concedere minime reformidat.

3. Christus Dominus ut pote Viator simul & Comprehensor, à primo instanti conceptionis sue Essentiam Diuinam vidit, eaq̃ fruebatur. B. quoq̃ Virgo post Christum super omnes homines omnibus prerogatiuis gratiarum

tiarum dotata eo maxime tempore quo Christum Deum in utero suo Virgineo gestabat Deum intuitiue vidit. Moysi & S. Paulo ex privilegio idem concessum ut probabile teneo: ita ceteris pernego.

4. Actum Visionis Beate, intellectus Lumine Glorie eleuatus, simul cum Lumine Glorie effectiue ita efficit; ut utraq; causa totaliter in suo genere ad eum producendum concurrat.

5. Species impressa, per quam Beati de facto vident Deum nulla datur, nec de possibili dari potest: imo & expressam de facto dari ut probabilius pernego: ipsam vero Essentiam Dei utriusq; vicem supplere asseuero. Quare non recte impressam possibilem negant, qui expressam de facto admittunt.

CONCLUSIO III.

Beati de facto videntes Diuinam Essentiam, vident omnia in Deo quæ sunt formaliter: non omnia tamen quæ sunt eminenter, verum plura aut pauciora secundum modum quo vident Deum.

COROLLARIA.

I. Igitur vident omnes perfectiones Diuinas, & attributa

tributa necessaria tam absoluta quam relatiua, atq̃ adeo omnes Sanctissima Trinitatis Personas. Neq̃ de absoluta Dei potentia videre possunt Essentiam sine attributis & Personis, nec e contra: nec vnā Personam sine alia.

2. Singuli Beati vident clarè in Verbo omnia mysteria nostre fidei, quæ in via obscurè per fidem cognouerunt. Vident præterea quedam singularia & libere contingentia omnia, quæ ad suum statum pertinent: Cuius ratio non in intensiōem aut indiuidualem perfectionem Visionis, vel Lumen Gloriæ referenda; sed in ipsam Diuinam Essentiam diuersimodè cum potentiis Beatorum concurrentem.

3. Nullus Beatorum videns Essentiam Dei videt omnes distinctè creaturas aut secundum esse possibile, aut secundum esse actualis existentie: licet vnusquisq̃ videat totam vniuersi machinam, eius perfectionem & ordinem: atq̃ omnes naturas genericas & specificas in certa temporis differentia futuras.

4. Christus Dominus vt homo omnia quæ Deus Scientia Visionis nouit: nimirum præsentia, præterita, & futura, ipsumq̃ diem extremi iudicij, possibilia vero licet non omnia plurima tamen cognouit.

5. Beati quæcunq̃ in verbo vident; ab initio sue beatitu-

beatitudinis simul & non successiue vident. Orationes tamen ad se directas probabilius est quod distincta cognitione à Visione Verbi cognoscāt: quas sola Anima Christi Domini à primo instanti beatitudinis in Verbo videt.

CONCLUSIO IV.

Non omnes Beati æquali perfectione Diuinam Essentiam intuentur; sed vnus perfectius alio.

COROLLARIA.

1. *Diuersitatem hanc Visionis intellige, non ex parte obiecti primarij per se visi: sed ex parte ipsius visionis, eò quod vna perfectior & clarior sit altera, etiam respectu eiusdem obiecti primarij: siue inequalitatem essentialem non reperiēs in Visione Beata, sed accidentalem.*
2. *Certum est multos inter homines æquales futuros in beatitudine etiam accidentali: quod de Angelis in via S. Doctoris nequaquam admitti potest.*
3. *Licet aliqui Beati minus perfectè Deum videant quàm alij non tamen desiderant eum amplius & perfectius videre: sed vnusquisq; Beatorum contentus est gradu sue beatitudinis.*
4. *Hinc vnusquisq; vi sue beatitudinis, tam naturalem*

ralem quàm elicitum, tam intellectus, quàm voluntatis appetitum perfectissime satiatum habet. Concedere vero Beatos appetitum naturalem, seu propensionem naturalem animæ reuiniendi suis gloriosis corporibus habere, nullum est inconueniens.

5. Beatitudinem creaturæ rationalis formalem, Visio, Fruitio, Gaudium, ita absoluunt: ut Fruitio, & Gaudium, Visionem tanquam suam Essentiam consequantur.

CONCLUSIO V.

Inæqualis Visionis Beatificæ, causa proxima est, inæquale Lumen Gloriæ, & non perfectio naturalis intellectus.

COROLLARIA.

1. Ergo perfectio intellectus creati, nihil confert ad intensiorem & clariorem Visionem Dei: nec imperfectio de eadem diminuit.

2. Rectè dices Visionem Angeli Beatam esse eiusdem speciei cum Beata Visione hominum: & Christi Domini cum Visione omnium Beatorum.

3. Lumen Gloriæ in tanta intensione Beatis infunditur, in quanta intensione Habitus Gratiæ, & Charitatis in via habuerunt.

B

4. In

4. In via habitibus infusis nunc æquales; nunc remissiores Actus elicere possumus: Beati in patria necessario æqualem Visionem Lumini Gloriæ eliciunt: unde qui æquale Lumen Gloriæ habent æqualem quoq; Visionem necesse est habeant.

5. Omnium suprema Regina B. Virgo Dei Mater: sicut omnes homines & Angelos Gratia donis superavit: ita intensiōe & claritate Visionis Beate omnes Beatos antecellit. Christus vero Dominus ut homo non solum omnibus singulis Beatis verum etiā omnibus collectiue sumptis, clarius & perfectius Diuinam Essentiam conuertur.

Ad Maiorem Dei Gloriam, Virginisq; Mariæ honorem.





Sub felicibus auspicijs Adm̃ R. P. ac Magnifici Domini,
D. IACOBI NAYMANOWIC, I. V. D. &
Profess. Canonici Cracouieñ, Archidiaconi Pileceñ,
&c. Vniuersitatis Crac: Generalis R E C T O R I S.
Vigilantissimi.



Vigilantissim.
Societas Venerabilis Ordo: Generalis RECTORIS.
Proble Canonici Canonien, Archidiaconi Phocen,
D. JACOB MAYMANOWIC, I.V.D. &
Societas Venerabilis Ordo: Generalis Domini,

